

適園叢書

張宗祥



通國書

張氏



後漢藝文志卷二

姚氏學

史之類十有五曰正史曰編年曰雜史曰起居注曰載記曰史鈔曰史評曰故事曰職官曰儀制曰刑法曰雜傳記曰地理曰譜系曰簿錄

楊終刪太史公書

范書本傳終字子山蜀郡成都人也顯宗時徵詣蘭臺拜校書郎建初中得與於白虎觀後受詔刪太史公書爲十餘萬言坐爲郡太守廉范游說徙北地貰還故郡永元十二年徵拜郎中以病卒

許慎史記注

慎始末見經部孝經類

王鳴盛十七史商榷曰許慎嘗注漢書今不傳引見顏

注中者尙多

會稽陶方琦許君年表曰史記漢書注中引許君說有出於說文淮南注外者王西莊以爲許君有漢書注方琦以爲乃史記注

按許君從賈侍中受古學太史公書多古文學由是推尋則陶說爲近

延篤史記音義一卷

篤始末見經部春秋類

司馬貞索隱序曰太史公之書古今爲注解者絕省音義亦稀始後漢延篤乃有音義一卷

史記音隱五卷

司馬貞索隱序曰始後漢延篤乃有音義一卷又別有

音隱五卷不記作者何人近代鮮有二家之本

會稽章宗源隋書經籍志攷證曰裴駟集解引有史記音隱小司馬未見自是亡於隋代

按服虔有春秋左氏傳音隱疑此亦服氏書或譌作章隱

班彪別錄

范書本傳彪字叔皮扶風安陵人也祖況成帝時越騎校尉父稚哀帝時廣平太守彪年二十餘更始敗三輔大亂時隗囂擁眾天水彪乃避難從之後避地河西河西大將軍竇融以爲從事光武召入見舉司隸茂才拜徐令以病免數應三公之命輒去後辟司徒王況府察

廉爲望都長建武三十年年五十二卒官二子固超

章昭漢書藝文志注曰馮商受詔續太史公十餘篇在

班彪別錄

按史通正史篇云史記所書年止漢武太初以後闕

而不錄其後劉向向子歆及諸好事者若馮商衛衡

按范書班彪傳注有陽城衛蓋卽陽城衛揚雄史岑

城或作成此衛衡似卽陽城衛之譌歟梁審肆仁晉馮段肅金丹馮衍韋融蕭奮劉恂等相

次撰續迄於哀平閒猶名史記又曰建武中司徒掾

班彪以爲雄歆褒美僞新誤後惑眾不當垂之後代

本傳亦云好事者綴集時事多鄙俗不足以踵繼前

書是叔皮於諸家所作皆得見之故其言如此今攷

韋宏嗣言馮商所續皆在班彪別錄則馮以外之十
四家亦當在別錄之中別錄者其卽叔皮哀錄諸家
之史橐欽褚少孫所補續已編入史記或不在內葛稚
川家舊藏劉子駿漢書百卷疑卽是錄之佚存者而葛氏稱爲漢書

班彪續史記後傳六十五篇

范書本傳彪旣才高而好述作遂專心史籍之閒武帝
時司馬遷著史記自太初以後闕而不錄後好事者頗
或綴集時事然多鄙俗不足以踵繼其書彪乃繼采前
史遺事旁貫異聞作後傳數十篇其略論曰今此後篇
慎覈其事整齊其文不爲世家唯紀傳而已

論衡超奇篇曰叔皮續太史公書百篇以上記事詳悉

義淺理備觀讀之者以爲甲而太史公乙又佚文篇曰

叔皮載鄉里人以爲惡戒邪人枉道繩墨所殫安得避

諱

按王充傳云充受業太學師事扶風班彪

史通正史篇曰建武中司徒掾班彪采舊事旁貫異聞作後傳六十五篇

文獻經籍攷夾漈鄭氏曰且善學司馬遷者莫如班彪

彪續遷書自武昭至於後漢旣無衍文又無絕緒世世

相承如出一手善乎其繼志也其書不可得而見所可

見者元成二帝贊耳皆於本紀之外別紀所聞可謂深

入太史公之闡奧矣

按彪之論贊今可見者尙有韋賢翟方進元后三傳不盡如鄭氏所

指二篇

按王充言叔皮所敘百篇以上劉子元則云六十五篇疑百篇以上者未成之書六十五篇者已成之作也孟堅敘傳但言其父作王命論而於史事不置一語蓋其父書唯紀傳自爲一家孟堅爲大漢獨立一史又別自名家故置不復論

班固漢書百篇

固始末見經部小學類

後漢書曰班彪續司馬遷後傳數十篇未成而卒明帝命其子固續之固以史遷所記乃以漢氏繼百王之末非其義也大漢當可獨立一史故上自高祖下終王莽爲紀表傳志九十九篇

按此見御覽六百三與范史異文不知誰家後漢書今輯本東

觀記及七家後漢書皆無之

范書本傳固以彪所續前史未詳乃潛精研思欲就其業採撰前記綴集所聞以爲漢書起元高祖終於孝平王莽之誅十有二世二百三十年綜其行事旁貫五經上下洽通爲春秋攷紀表志傳凡百篇自永中

永下敝平字

始受詔潛精積思二十餘年至建初中乃成當世甚重其書學者莫不諷誦焉

又列女班昭傳兄固著漢書其八表及天文志未及竟而卒和帝詔昭就東觀藏書閣踵而成之及書始出多未能通者同郡馬融伏於閣下從昭受讀後又詔融兄

續繼昭成之

按馬援傳援兄子嚴嚴七子唯續融知名續字季則博觀羣籍通論語明尙書治詩

善九章算術順帝時至護羌校尉遷度遼將軍融自有傳云

史通正史篇固後坐竇氏事卒於洛陽獄書頗散亂莫能綜理其妹曹大家奉詔校敘又選高才郎馬融等十人從大家受讀其八表天文志等猶未克成多是待詔東觀馬續所作而古今人表尤不類本書

玉海藝文曰劉昭補志序云續志昭表以是推之八表其班昭所補天文志其馬續所成歟

按續漢天文志有明文云孝明帝使

班固敘漢書而馬續述天文志

隋書經籍志漢書一百一十五卷漢護軍班固撰太山太守應劭集解唐日本國見在書目同唐經籍志漢書一百十五卷班固又作一百二十卷顏師古注藝文志班固漢書一百一十五卷顏師古注漢書一百二十卷

宋藝文志班固漢書一百卷顏師古注

漢書舊注

侯志曰應劭風俗通聲音篇引漢書舊注云菰吹鞭也菰者撫也言其節撫威儀又引漢書注荻角也言其聲音荻荻名自定也

按舊注不知何人作然應仲遠引之則爲東漢人無疑

胡廣漢書解詁

范書本傳廣字伯始南郡華容人也舉孝廉拜尙書郎五遷尙書僕射在公臺三十餘年歷事六帝凡一履司空再作司徒三登太尉又爲太傅封育陽安樂鄉侯年

八十二熹平元年薨諡文恭侯

汪師韓文選理學權輿曰選注所引羣書有胡廣漢書

音義

按四庫館書錄解題輯本附識曰考史注所引別有漢書解詁之名蓋即胡廣所作

侯志曰漢書注屢引胡公似皆出廣所注漢官解詁惟

史記賈誼傳索隱兩引胡廣司馬相如傳索隱九引胡

廣則顯爲漢書注矣

按食貨志注亦引胡廣

蔡邕漢書音義

邕始末見經部禮類

汪師韓文選理學權輿曰選注所引羣書有蔡邕漢書

音義

按史記索隱序曰班氏之書其所鑽仰其訓詁蓋亦

多門蔡謨集解之時已有二十四家之說今考顏氏

序例所載諸家如張揖郭璞止解一卷兩篇者亦具
列之蔡謨之前祇二十二家是其尚有所佚邕師胡
廣此兩家或各有解詁而其書或早亡散或編入本
集故顏氏不著於錄歟又按漢末應劭作漢書集解音義見於本傳夫曰集解則非舊注一家及同時服虔一家之說可知

服虔漢書音訓一卷

虔始末見經部春秋類

隋書經籍志漢書音訓一卷服虔撰唐經籍志同藝文
志服虔漢書音訓一卷

王鳴盛十七史商榷曰裴駰史記集解於左氏傳引服
虔注亦襲取服虔漢書注

應劭漢書集解音義二十四卷

范書應奉傳奉汝南南頓人也子劭字仲遠

注或作仲
援又作仲

援靈帝時舉孝廉辟車騎將軍掾中平三年舉高第再

遷六年拜太山太守興平元年棄郡奔冀州牧袁紹建

安二年詔拜劭爲袁紹軍謀校尉後卒於鄴凡所著述

及集解漢書皆傳於時

風俗通佚文云余爲營陵
令在事五月遷太山太守

隋書經籍志漢書集解音義二十四卷應劭撰唐經籍

志同藝文志應劭漢書集解音義二十四卷

顏師古序例曰漢書舊無注解唯服虔應劭等各爲音

義自別施行至典午中朝有臣瓚者總集諸家音義凡

二十四卷今之集解音義則是其書而後人見者不知

臣瓚所作乃謂之應劭等集解王氏七志阮氏七錄並

題云然斯不審耳

侯志曰隋志有應劭書無臣瓚書據顏氏序例蓋誤以瓚書爲應書也然應劭亦實有漢書注又此名相沿已久故仍從隋志著錄

按顏氏言七志七錄已然則自宋及梁由來已久亦何至一誤再誤至唐初修志猶未刊正而五代人宋人修唐書又復遞相沿誤揆諸事理或不盡然疑應書瓚書卷數相同顏監但見瓚書不見應書故有是言耳

劉珍等東觀漢記一百四十三卷

史通正史篇在漢中興明帝始詔班固與唯陽令陳宗

長陵令尹敏司隸從事孟異

或作冀

作世祖本紀并撰功

臣及新市平林公孫述事作列傳載記二十八篇而忠

臣義士莫之撰勒於是又詔史官謁者僕射劉珍及諫

議大夫李尤禰作紀表名臣節士儒林外戚諸傳起自

建武訖乎永初事業垂竟而珍尤繼卒復命侍中伏無

忌與諫議大夫黃景作諸王子功臣恩澤侯表南單于

西羌傳地理志至元嘉元年復令太中大夫邊韶大軍

營司馬崔寔議郎朱穆曹壽禰作孝穆崇二皇及順烈

皇后傳又增外戚傳入安思等后儒林傳入崔篆諸人

寔壽又與議郎延篤禰作百官表

按宋志職官類首載東漢百官表一卷注

云不知作者似卽漢記中佚出者

順帝功臣孫程郭願及鄭眾蔡倫等